

# Powšitkowne WOZJEWJENJA

njedźelu, 5. awgusta 2018

## **Benedikcija noweje abatisy**

Swjatočna benedikcija noweje abatisy klóštra Marijineje Hwězdy sotry Gabriele Hesse budže pjatk, 10. awgusta, w 16 hodź. w klósterskej cyrkwi. Božu mšu změje a swjećiznu abatisy přewozmje generalny abt cistercienskeho rjadu Mauro-Giuseppe Lepori z Roma. Dokelž njezměja wšitcy kemšerjo w cyrkwi městna, so Boža mša per widejo do stana blisko cyrkwy přenjese.

## **Serbske kemše w Drježdžanach**

Drježdžanscy Serbja su na maćernorěčnu Božu mšu njedźelu, 12. awgusta, w 16.30 hodź. do cyrkwy swjateho Antonija w Drježdžanach-Löbtauwje, Bünauska hasa 10, přeprašeni. Po kemšach, kotraž změje farar Gabriš Nawka, zetkamy so w tamnišej wosadnicy k bjesadze.

*M. Bubnerjec*

## **50 lět Zdžerjanska cyrkej**

Starobiskop Joachim Reinelt změje njedźelu, 19. awgusta, w 10 hodź. w Zdžerji swjedžensku Božu mšu składnostnje 50. rónicy poswjećenja tamnišeje cyrkwy. Kemšam přizamknje so wosadny swjedžeń, na kotrymž zahraja Wulkodubrawscy muzikanća. W 14 hodź. budže džakny nyšpor. Slěduje swačina, bjesada a zhromadne spěwanje. Wšitcy wěriwi su wutrobnje do Zdžerje přeprašeni.

## **Spominanje na katolsku Serbowku židowskeho pochada**

Župa „Michał Hórnik“, Hórčanske wjesne towarstwo „Při skale“, Chróšćanska wosada a Hórčanka Jěwa Marija Elic přeprašuja na wopomnjenske zarjadowanje składnostnje 100. posmjertnych narodnin Hanki Šěrcec, katolskeje Serbowki židowskeho pochada. Tute zahaji so srjedu, 15. awgusta, w 17.00 hodź. na Elic dworje w Hórkach, Chróšćanska 17, ze swjatočnosću při rónym domje Hanki Šěrcec w Hórkach. Chór 1. serbskeje kulturneje brigady je wobrubu. Po tym poskići so mały přikus na dworje. W 19.00 hodź. je Boža mša w Chróšćicach, kotruž samsny chór sobu wuhotuje.

## **Šolowy dzeń**

Na lětušim swójbny m popołdnu njedźelu, 26. awgusta, wobrubu projektowy chór serbskich džěci zakónčacy nyšpor. Zajimowane džěci su wutrobnje přeprašene, sobu činić. Proba budže sobotu, 18. awgusta, wot 9 hodź. hač do 14 hodź. w Don Boskowym Domje we Worklecach. Witane su tež te džěci, kotraž njejsu w meji sobu spěwali.

## **Modlerski wječork wo duchowne powołanja**

W Budyskim klóšterku wotměje so pjatk, 24. awgusta, modlerski wječork wo duchowne powołanja. Tutón zahaji so w 17.30 hodź. z Božej mšu. Po tym je modlerska hodžina před wustajenym Najswjećišim z načasnymi spěwami. Přizamknje so zhromadna wječer. Tónle modlerski wječork su młodostni z Wjelecina jako reakciju na lětuši póstny pastyrski list biskopa Heinricha Timmereversa nastorčili.

## **Wosebite wodženje po Smochčanskim parku**

„Štož stare štomy a rostliny powědaja“ rěka hesło, pod kotrymž přeprašuje Smochčanski Dom biskopa Bena njedzela, 19. awgusta, na wosebite wodženje po tamnišim parku. Michaela Noack, krajinowa architektka z Drježdźan, je wuběrna znajerka Smochčanskeho hrodoweho parka a wodženje nawjeduje. Zetkanje zajimcow je w 15 hodź. při studni na dworje. Po wodženju je składnosć, wo widžanym a słyšanym so rozmołwić abo při napoju na gitarowe zynki słušać.

## **Ekumeniski nyšpor ze swjećenjom zelow**

Ekumeniski nyšpor ze swjećenjom zelow budže njedzela, 19. awgusta, w 14.30 hodź. w klóštrje Marijinej hwězdze. Na tamnišej zahrodze budžetaj jón cistercienski pater Johannes Müller a ewangelska fararka Claudia Wolf, wobaj z Kamjenca, swječić. Wopytowarjo móža zela sobu přinjesć a je woswječić dać. Po nyšporje zahraje kapala Horjany. Na 6.000 kwadratnych metrow wulkej klóšterskej zahrodze plahuja wjace hač sto družin zelow.

## **Pytaja hladarja a kublarja zbrašenych**

Dom swjateho Jana w Smječkecach pyta wot 1. septembra sobudźělaćerja z kwalifikaciju hladarja a kublarja zbrašenych (Heilerziehungspfleger) abo chorobnu sotru respektiwnje hladarja z wolu, wotpowědnu kwalifikaciju nachwatać. W Janskich kupjelach bydla duchownje zbrašeni ludžo, kotrychž tam zastaruja a spěchuja. Swoje pisomne požadanje njech pósćelu zajimcy prošu na adresu: CSW, Janska kupjel 1, 01920 Worklecy.

## **Mandźelski seminar**

Přizjewjenja za přihot na sakrament mandźelstwa wot pjatka do soboty, 30. nowembra do 1. decembra, w Smochčicach přijimuju pisomnje hač do srjedy, 7. nowembra, w Dekanatnym dušepastyrstwe we Worklecach. Formulary k tomu su w cyrkwjach wupožene.